

CONVOCATORIA DO SISTEMA DE INTERCAMBIO DE CENTROS DE UNIVERSIDADES ESPAÑOLAS 2015-2016

PROGRAMA SICUE

A Universidade da Coruña, fai pública a convocatoria de prazas en universidades españolas, no marco do Programa de Mobilidade do Sistema de Intercambio entre Centros Universitarios Españoles (SICUE), para o curso académico 2015-2016.

OBXECTO E FINALIDADE

A finalidade deste programa é a de facilitar aos estudantes españoles a realización dunha parte dos seus estudos noutra universidade española distinta a súa, con garantías de recoñecemento académico e de aproveitamento, así como de adecuación ao seu perfil curricular. O recoñecemento destes estudos realízase nos términos previstos na normativa de Xestión Académica desta universidade e pola propia normativa do Programa SICUE.

Para o curso 2015-2016, o Ministerio de Educación non publicará a convocatoria SÉNECA, polo que as futuras prazas concedidas no marco desta convocatoria, non contarán con ningún tipo de financiación asociada.

CONDICIÓNS

As prazas de intercambio que se convocan para cada titulación son as que figuran no **Anexo I**. Os estudantes deberán comprobar o grao de implantación da súa titulación nas páxinas web das respectivas universidades.

Os estudantes que participen neste intercambio seguirán sendo alumnos da Universidade da Coruña, donde se matricularán e abonarán as taxas académicas correspondentes. Poderán cursar asignaturas nas dúas universidades, mentres dure o intercambio.

O alumnado que teña intención de incluír o TFG no acordo académico, deberá contactar co coordinador da universidade de destino para coñecer os requisitos asociados no seu caso. A asignación de tema e/ou titor, e a defensa do traballo deberá facerse conforme ós requisitos establecidos pola universidade de destino.

Sempre e cando non contraveña a normativa interna da UDC e o coordinador académico así o autorice, poderase incluír no acordo académico, como máximo, unha asignatura calificada como suspensa con anterioridade.

No caso de que o alumno desexa incluír no intercambio SICUE unha materia, como máximo, que non se atopa na titulación obxecto do acordo académico, poderá cursala en titulacións afíns coas que non haxa acordo, previa autorización de todos os coordinadores da universidade de destino implicados, limitando dita posibilidade de matriculación a unha materia como máximo.

Poderáanse cursar optativas do plano de estudos da universidade de destino, non incluídas no plano de estudos da UDC, incorporándoas posteriormente ao expediente do alumno na UDC como optativas.

No acordo académico especificarase a duración das estadias, no curso 2015/2016 serán:

- Medio curso (5 meses): para cursar mínimo de 24 créditos
- Curso completo (9 meses): para cursar mínimo de 45 créditos

O acordo académico aceptado polas tres partes implicadas (alumno, centro de orixe e centro de destino) terá carácter oficial de contrato vinculante para os asinantes.

Quedan excluídos do programa de mobilidade SICUE os plans de estudo de mestrado e de doutoramento.

O alumnado beneficiario do programa SICUE non poderá obter máis dun intercambio na mesma universidade de destino, nin máis dun intercambio SICUE no mesmo curso académico.

REQUISITOS XERAIS

- Ter formalizada a **matrícula**, ao fin do prazo de presentación de solicitudes, dun **mínimo de 30 créditos** no curso 2014/2015 nunha titulación oficial de Grao da UDC.
- Ter **superados** na UDC un **mínimo de 45 créditos** na mesma titulación, a 30 de setembro de 2014.

DOCUMENTACIÓN

Os estudantes que reúnan os requisitos mencionados, deberán presentar:

- O impreso de *solicitud de mobilidade* (orixinal e copia) segundo *modelo A* da normativa SICUE 2015-2016 (**Anexo II**), cun máximo de 3 universidades de destino en orde de preferencia.
- Copia do DNI.

PRAZO E LUGAR DE PRESENTACIÓN

- A solicitude orixinal, previa firma de conformidade do profesor coordinador de intercambios da Facultade ou Escola (quen quedará con copia), presentarase no LERD-Coruña (Pavillón de Estudantes - Campus de Elviña) ou no LERD-Ferrol (Edificio de Apoio ao Estudo - Campus de Esteiro).
- O prazo de presentación de solicitudes abrangue dende o **20 de febreiro** ata o **27 de marzo de 2015**.

PROCESO DE SELECCIÓN E EVALUACIÓN

A selección realizaráse de acordo, exclusivamente, co establecido no apartado E da normativa SICUE 2015-2016, que se achega.

A Comisión encargada da selección está composta por:

- Presidenta: M^a José Martínez López, Vicerreitora de Estudantes, Deportes e Cultura.
- Vogal: Manuel Herrador Barrios, Coordinador da E.T.S.I. de Camiños, Canais e Portos.
- Secretaria: M^a Asunción Esmorís Caamaño, Xefa de Sección de Acceso e Información, Servizo de Estudantes.

A Comisión fará públicos os resultados do proceso de selección, antes do 4 de maio, na páxina web da UDC e nos LERDs (Campus da Coruña / Campus de Ferrol).

No caso de denegación, o interesado poderá reclamar ante a Presidenta da Comisión no prazo do 4 ao 15 de maio do 2015, cando concorran unicamente algunhas das circunstancias establecidas na Normativa SICUE 2015-2016.

Rematado o prazo de reclamacións publicarase a resolución definitiva.

A Coruña, 19 de febreiro de 2015

A Vicerreitora de Estudantes, Deportes e Cultura

M^a José López Martínez